

ORDENANZA REGULADORA DA TAXA POLO SERVICIO DE SUMIDOIROS , ASÍ COMO DE TRATAMENTO E DEPURACIÓN DE AUGAS RESIDUAIS.

Artigo 1.º Fundamento e natureza.

No uso das facultades concedidas polos Artigos 133.2 e 142 da Constitución, polo Artigo 106 da Lei 7/85, de 2 de abril, reguladora das Bases do Réxime Local, e os Artigos 20 e 58 da Lei 39/88, de 28 de decembro, e de conformidade co disposto nos Artigos 15 a 19 da Lei 39/88 citada, este Concello acorda a imposición e ordenación da Taxa de alcantarillado, que se rexirá pola presente Ordenanza fiscal.

Artigo 2.º Feito imponible.

1. Constitúe o Feito imponible da Taxa:

- a) A actividade municipal, técnica e administrativa, tendente a verificar se se dan as condicións necesarias para autorizar a acometida á rede de alcantarillado municipal.
- b) A prestación dos servicios de evacuación de excretas, augas pluviais, negras e residuais, a través da rede de alcantarillado municipal, e o seu tratamento e depuración.

2. Non estarán suxeitas á Taxa as fincas derruidas, declaradas ruinosas ou que teñan a condición de solar ou terreo, sempre que non fagan uso do alcantarillado.

Artigo 3.º Suxeito pasivo.

1. Son suxeitos pasivos contribuíntes as persoas físicas ou xurídicas e as entidades a que se refire o Artigo 33 da Lei Xeral Tributaria que sexan:

- a) Cando se trate da concesión de licencia de acometida á rede, o propietario, usufructuario ou titular do dominio útil da finca.
- b) No caso de prestación de servicios do número 1.b) do Artigo anterior, os ocupantes ou usuarios das fincas do termo municipal beneficiarios de ditos servicios, calquera que sexa o seu título: propietarios, usufructuarios, habitacionistas ou arrendatarios, incluso ocupantes en precario.

2. En todo caso, terá a consideración de suxeito pasivo sustituto do ocupante ou usuario das vivendas ou locais o propietario destes inmobles, en quén poderán repercutir, no seu caso, as cotas satisfeitas sobre os respectivos beneficiarios do servicio.

Artigo 4.º Responsables.

1. Responderán solidariamente das obrigas tributarias do suxeito pasivo, as persoas físicas e xurídicas a que se refiren os Artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o Artigo 40 da Lei Xeral Tributaria.

Artigo 5.º Cota tributaria.

A cota desta Taxa será a que figura no anexo desta Ordenanza.

Artigo 6.º Exencións e bonificacións.

Non se concederá exención nin bonificación algunhna na exacción da presente Taxa, que non ven establecida en Tratados ou Acordos Internacionais ou en normas con rango de Lei.

Artigo 7.º Percepción.

1. Percíbese a Taxa e nace a obriga de contribuir cando se inicie a actividade municipal que constitúe o seu feito imponible, entendéndose iniciada a mesma:

a) Na data de presentación da oportuna solicitude da licenza de acometida, se o suxeito pasivo a formulase expresamente.

b) Dende que teña lugar a efectiva acometida á rede de alcantarillado municipal. O devengo por esta modalidade da Taxa produciráse con independencia de que teña obtido ou non a licenza de acometida e sen prexuízo da iniciación do expediente administrativo que poda instruírse para a súa autorización.

2. Os servizos de evacuación de excretas, augas pluviais, negras e residuais, e da súa depuración teñen carácter obrigatorio para toda-las fincas do Municipio que teñan fachada a rúas, prazas ou vías públicas en que exista alcantarillado, sempre que a distancia entre a rede e a finca non exceda de cen metros, e se devengará a Taxa aínda cando os interesados non procedan a efectuar a acometida á rede.

Artigo 8.º Liquidación.

1. Cando se presente a solicitude de licenza de acometida liquidarase e esixirase a Taxa correspondente en calidade de depósito previo.

2. Se se realiza a acometida sen mediar solicitude procederase a liquidar e notificar esixíndose o ingreso nos prazos previstos no Artigo 20 do Regulamento Xeral de Recadación, sen prexuízo da apertura do correspondente expediente sancionador por infracción tributaria.

3. Unha vez autorizada a acometida, a xestión e recadación desta Taxa acomodarse ó procedemento previsto para os valores recibo (padrón, censo, matrícula etc.).

Artigo 9. Ingreso.

1. As cotas desta Taxa liquidaríanse e esixiríanse no momento de presentarse a solicitude, en calidade de depósito previo.
2. Cando se realice a acometida sen mediar solicitude exigirásen nos prazos previstos no Artigo 20 do Regulamento Xeral de Recadación.
3. Cando a Taxa se exaccione por padrón exigirásen no período sinalado na tarifa ou, no seu caso, no que acorde o Alcalde ou Comisión de Goberno e o ingreso farásen efectivo no prazo previsto no Artigo 20 do R.G.R. para os valores recibo
4. Os ingresos efectuaránse na Depositaria municipal ou no lugar que determine o Alcalde-Presidente.

Artigo 10. Infraccións e sancións.

Nesta materia estarásen ó disposto no Artigo 77 e seguintes da Lei Xeral Tributaria.

DISPOSICIÓN ADICIONAL.

PRIMERA. Declaración de alta.

Os suxeitos pasivos substitutos do contribuínte formularán as declaracións de alta nos censos ou padróns da Taxa e surtirán efectos tributarios no mesmo momento de presentarse a declaración, podendo prorratearse, no seu caso, por meses.

SEGUNDA. Declaración de baixa.

Os suxeitos pasivos substitutos do contribuínte formularán as declaracións de baixa no censo ou padrón da Taxa e surtirán efectos no período natural seguinte ó de presentación da mesma podendo, no seu caso, prorratearse por meses.

DISPOSICIÓN FINAL.

A presente Ordenanza fiscal, cunha redacción definitiva aprobada polo Pleno da Corporación en sesión celebrada na data que se expresa no anexo a esta Ordenanza, entrará en vigor o mesmo día da súa publicación no Boletín Oficial da Provincia e será de aplicación a partir do día 1 de xaneiro de 2003, permanecendo en vigor ata a súa modificación ou derogación expresas.

ANEXO

Primeiro. Tarifa.

PARA APLICACIÓN DA ORDENANZA DA TAXA DA REDE DE SUMIDOIROS:

- | | |
|---|-------|
| - Conexión á rede | 150 € |
| - Tarifa anual, pagadeira por semestres | 30 € |

O periodo impositivo é anual.

O periodo de liquidación é de semestres naturais.

Segundo. Data de aprobación.

Esta ordenanza resultou aprobada polo Pleno na sesión do 27 de maio de 2002.